

2022

IZVJEŠTAJ o radu
udruženja žena Romkinja
“Bolja budućnost” grada Tuzla



Hadži Hasan age Pašića bb, 75000 Tuzla, BiH
Telefon/fax: +387 35 298 001
E-mail: info@bolja-buducnost.org
Facebook: boljabuducnost.1
Instagram: bolja_buducnost
Twitter: Boljabuducnost1
Web: www.bolja-buducnost.org



Naši rezultati u brojevima-2022**13** implementiranih projekataUkupno anažovanih volontera/ki **60**Ukupno angažovanih vanskih saradnika/ca **7**Ukupan broj održanih događaja **84**

Za **120** osoba u stanju socijalne potrebe pružili humaniranu asistenciju (nabavka lijekova, prehrambene i higijenske potrepštine, plaćanje taksi za vještačenje medicinskog stanja te pribavljanja ličnih i drugih dokumenata)

70 žena obavilo preventivne specijalističke preglede koji su uključivali ginekološki pregled (kolposkopija, PAPA test, UZV pregled i savjetovanje) te preglede dojki (UZV dojki i mamografija)

14 muškaraca obavilo preventivne ljebarske preglede prostate

Ukupan broj korisnika/ca **4.643****Žena 3.040, Muškaraca 1.603**

PORUKA DIREKTORICE I UPRAVNOG ODBORA

Dragi prijatelji , dragi donatori i partneri, drage građanke i dragi građani,

Udruženje žena Romkinja „Bolja budućnost“ grada Tuzla donosi Vam još jedan godišnji izvještaj o radu za 2022.godinu.

Višestruka diskriminacija je najčešća činjenica koja se vezuje za Romkinje. Pored toga, niska razina obrazovanja i socijalna isključenost, Romkinje čini najugroženijom skupinom unutar romske zajednice. Ove žene su slabo informisane o vlastitim pravima, a dodatno treba naglasiti prisutnost problema u ruralnim područjima. Zbog toga je nužno poticati umrežavanje Romkinja, s ciljem osnaživanja njihovog djelovanja i veće vidljivosti u lokalnoj zajednici i općenito u bh.društvu. Na svemu ovom kako proteklih godina tako i tokom 2022 godine smo radili te Vam sve te projekte i informacije donosimo u ovom izvještaju.

Želimo odati priznanje i zahvalliti se našim uposlenicima, volonterima i aktivistima, kao i predstavnicima/cama institucija što su bili spremni uprkos svim izazovima da zajedno realizujemo i više od onoga što smo planirali za 2022.

Ovom prilikom zahvaljujemo se našim donatorima koji su izdvojili sredstva ili uložili svoje vrijeme i znanje kako bi pridonijeli stvaranju boljeg i jednakog društva u BiH. Vaše resurse oprezno koristimo za osiguravanje primjerene pomoći i podrške Romkinjama, romskoj djeci , cijeloj romskoj zajednici u BiH. Vi predstavljate vrlo važan dio u postizanju naše misije i bez Vaše karike u lancu naša misija ne bi bila ostvariva; Bosna i Hercegovina kao zemlja ravnopravnih građana i građanki u kojoj Romkinje u potpunosti ostvaruju sva prava,aktivno i ravnopravno učestvuju u svim sferama bosansko-hercegovačkog društva.

Menadžment Udruženja žena Romkinja „Bolja budućnost“ grada Tuzla

POSVEĆENOST, ISTRAJNOST, UPORNOST

BOLJA BUDUĆNOST ZA BOLJI ŽIVOT



Projekti

Udruženje žena Romkinja “Bolja budućnost” grada Tuzla kao dio nevladinog sektora ima bitnu ulogu u razvoju demokratskog društva. Konsultacije između vladinog i nevladinog sektora proizvode korisne informacije i ideje, koje vode ka pozitivnim promjenama. Kao ženska romska nevladina organizacija obezbjeđujemo važan glas civilnog sektora sa posebnim akcentom na romsku zajednicu u BiH, što ima za rezultat donošenje boljih i legitimnijih odluka kada je u pitanju poboljšanje položaja Roma i Romkinja u BiH ali i generalno razvoja društva zasnovanog na poštivanju ljudskih prava. Sa druge strane služimo kao servis koji pomaže Romima i Romkinjama u ostvarivanju prava i rješavanja statusnih pitanja kako bi u potpunosti mogli uživati sva prava koja su im zagarantovana domaćim i međunarodnim zakonodavnim okvirima. Projekti i aktivnosti koje naše udruženje provodi kako na lokalnom tako i na nacionalnom i regionalnom nivou spadaju u programe koji su podjeljeni na programe ljudskih prava, socio-ekonomске programe i programe zagovaranja.

U toku 2022 godine implementirali smo 13 projekata koji su predstavljani u nastavku ovog izvještaja.

Podrška radu ženske romske mreže „Uspjeh“ u BiH

U toku 2022 godine naš rad se fokusirao između ostalog i na povezivanje ženskih romskih aktivistica u Federaciji BiH i Republici Srpskoj, s ciljem da ojačamo ženski romski sektor u BiH. S tim u vezi pružili smo podršku radu prve ženske romske mreže u BiH kroz iznalaženje sredstava za provođenja aktivnosti lobiranja i zagovaranja te pokretanja inicijativa sa ciljem povećanja učešća Romkinja u javnom i političkom životu. U 2019 godini, Mreža je dobila odvojenu podršku za zajedničke aktivnosti od strane OAK fondacije koja je nastavljena i u 2022 godini. Mreža zadržava svoj trenutni položaj, postajući primjer uspješne i učinkovite Mreže sa jakim romskim ženskim organizacijama.



Naš cilj je poboljšanje kvaliteta rada ženskih romskih organizacija, kako u radu sa romskom korisničkom populacijom, tako i u odnosima sa vlastima, kroz međusobno učenje i podršku, razmjenu znanja i ideja, implementaciju zajedničkih aktivnosti na različitim projektima. Koristeći znanje, iskustvo i kapacitete u mreži uradili smo niz analiza, istraživanja i drugih dokumenata te zajedno proveli kampanje zagovaranja kako bi skrenuli pažnju i više govorili o položaju i statusu Romkinja u BiH.

Mjesec dana ženskog romskog aktivizma

U periodu od 08. Marta do 08. Aprila 2022 godine u saradnji sa ženskom romskom mrežom „Uspjeh“ smo proveli tradicionalnu kampanju mjesec dana ženskog romskog aktivizma „Moje je pravo, a ne privilegija“. Kampanjom smo poslale poruku da nismo ravnopravne, naše potrebe i položaj nisu vidljivi u javnim politikama, ne osjećamo se sigurno, nismo uključene i živimo život koji nam ne osigurava dostojanstvo. Svakodnevno smo diskriminisane i kao žene i kao pripadnice romske etničke skupine što je dodatno usložnjeno i time da smo izložene društvenoj isključenosti koja se ogleda u veoma niskom pristupu obrazovanju, zapošljavanju i zdravstvenoj zaštiti, što nas čini posebno ranjivim na različite oblike rodno zasnovanog nasilja. Na Međunarodni dan žena poslale smo i poruke da nasilje ne smije biti tolerisano i da svi imaju jednaka prava na zaštitu od nasilja.



Tokom kampanje obilježili smo i 21. mart Međunarodni dan borbe protiv rasne diskriminacije. Rasna diskriminacija Roma i Romkinja u BiH je nažalost i dalje široko rasprostranjena i radi se o pojavi koja predstavlja kritičnu prepreku za uključivanje Roma i Romkinja u šire društvo i djeluje tako da im onemogućava uživanje

jednakih prava, mogućnosti i korisnog socijalno-ekonomskog sudjelovanja. Postoje mnogi primjeri koji ilustriraju rasnu diskriminaciju prema Romima/kinjama.



Ulična akcija na 21. Mart je bila koncipirana interaktivno i uključivala je angažman prolaznika/ca. Tim našeg udruženja i naše aktivistice su odabrale poruke uvredljivog sadržaja sa elementima govora mržnje i rasizma koje vrlo često imamo prilike pročitati na društvenim mrežama i različitim internet stranicama namjenjene Romima/kinjama. Poruke u vidu ceduljica smo stavile u kutiju i na uličnoj akciji zamolili prolaznike da nasumičnim odabirom izaberu poruku, pročitaju i istu našoj romskoj aktivistici kažu u lice. Prolaznici/e su dobile informacije da su sadržaji poruka uvredljivi, rasistički, da se radi o govoru mržnje. Neki od prolaznika su pristali neki su odbili da pročitaju poruku koju su odabrali i zamolili smo da sa nama podjele kako su se osjećali. Bilo je tu osjećaja ljutnje, zgroženosti, bilo je i suza ali bilo je nažalost i odobravanja nekih od poruka.



Borba protiv rasizma kroz zakonodavstvo i obrazovanje je ključna. One se moraju boriti protiv korijena rasizma i pozabaviti se naslijeđem prošlosti. Također je neophodno sistematski se boriti protiv govora mržnje i rasističkih zločina. Sljedeće krucijalno područje intervencije je - policija. Države moraju ukloniti rasizam i nekažnjavanje za rasističke zločine koje su počinili oni koji su zaduženi za provođenje zakona. Zakon i praksa također moraju biti osnaženi, kako bi se osigurala jednakost u pristupu obrazovanju, zapošljavanju, stanovanju i zdravstvenoj zaštiti. Međutim, promjena se ne postiže samo zakonodavstvom. Napori na polju obrazovanja su presudni. Školski programi trebali bi bolje odražavati povijest i kulturno naslijeđe ljudi afričkog podrijetla i njihov doprinos razvoju naših društava.

Promovisanje i ostvarivanje prava za socijalno ugrožene kategorije-faza III

Uz podršku Gradske uprave Tuzla , Službe za kulturu, sport, mlade i socijalnu zaštitu implementirali smo projekat “ Promovisanje i ostvarivanje prava za socijalno ugrožene kategorije-faza III” u sklopu kojeg smo: održali 4 radionice za Romkinje i Rome iz Tuzle iz mjesnih zajednica Kiseljak, Krojčica, Crvene njive, Solina, Pasci i Ljubače na temu pokretanje postupaka za ostvarivanje prava iz socijalne i zdravstvene zaštite kod nadležnih institucija te na temu očuvanja reproduktivnog zdravlja žena ali i muškaraca.

U sklopu projekta izvršili smo plaćanje taksi za medicinsko vještačenje , pribavljanje ličnih i drugih dokumenata za 6 korisnika/ca, nabavku lijekova za 24 korisnika/ca, obezbjedili besplatne ginekološke preglede koji su uključivali kolposkopiju, PAPA test , UZV , savjetovanje za 24 žene te preventivni pregledi prostate za 14 muškaraca.

Koristimo dostupne mehanizme kako bismo se zaštitili od nasilja i diskriminacije

Udruženje žena Romkinja 'Bolja budućnost' grada Tuzla zajedno sa partnerskim udruženjima 'Romani ćej – Romska djevojka' iz Prnjavora i udruženjem Romkinja centar za majke „Nada“ Kakanj implementiralo je niz aktivnosti u drugoj fazi projekta u 2022 godini pod nazivom 'Koristimo dostupne mehanizme kako bismo se zaštitili od nasilja i diskriminacije'. Aktivnosti projekta su imale za cilj izgradnju kapaciteta državnih i ne državnih pružaoaca usluga radi adresiranja stigme i predrasuda vezanim za pružanje usluga ženama koje dolaze iz marginalizovanih zajednica.



Pored izgradnje kapaciteta državnih i ne državnih pružaoaca usluga aktivnosti projekta su usmjerene i na jačanje kapaciteta članica ženske romske mreže u procesima zagovaranja te provođenja zajedničkih aktivnosti u sklopu globalne kampanje 16 dana aktivizma protiv rodno-zasnovanog nasilja.



U toku ovogodišnje kampanje smo pored uličnih akcija koje su održane na značajne datume : Međunarodnog dana borbe protiv nasilja nad ženama, Međunarodnog dana ljudskih prava, Međunarodnog dana braniteljica ljudskih prava, Međunarodnog dana osoba sa invaliditetom i ukidanja ropstva, obilježavanja godišnjice

Montrealskog masakra smo snimili i emitovali 3 tematske TV emisije na sljedećim medijskim kućama: Face TV i RTV TK . Emisije je moguće pogledate na zvaničnom YouTube kanalu našeg udruženja.

Napredak ka integraciji Roma/kinja kao napredak BiH na putu ka EU

U sklopu regionalnog programa koji koristi zagovaranje kao svoje glavno sredstvo za postizanje aspekta rodne ravnopravnosti u predpristupnom procesu naše zemlje u EU u saradnji sa ženskom romskom mrežom nastojimo poboljšati integraciju Romkinja i pitanja od značaja za Romkinje iz Bosne i Hercegovine u pregovaračkom procesu pridruživanja EU.

Projektne aktivnosti usmjerene su na izgradnju kapaciteta i jačanje mreže romskih žena, istraživačke aktivnosti, izradu politika, redovitu razmjenu iskustava, planiranje i praćenje nacionalnih politika kroz podršku sastancima romske ženske mreže, zagovaračke sastanke na nacionalnoj i lokalnoj razini ali i na nivou EU.

Tokom trajanja projekta regionalna partnerska mreža ženskih organizacija u koju je uključeno i naše udruženje je učestvovala u studijskoj posjeti Berlinu te sedmici zagovaranja u Briselu.

Studijska posjeta -Berlin

U periodu od 19. do 23.09.2022 predstavnica našeg udruženja je prisustvovala studijskoj posjeti institucijama i donatorskim fondacijama, institucijama i ambasadi. Njemačka je 2019. godine potrošila 7,0 milijardi američkih dolara ili 46% svoje ukupne bilateralne dodjeljene ODA na razvojne aktivnosti koje su usmjerene na rodnu ravnopravnost na principijelan ili značajan način, prema pokazatelju politike rodne ravnopravnosti OECD DAC-a, stavljajući Njemačku nešto ispod prosjeka DAC-a od 47 %. Samo 2% njemačke bilateralne dodijeljene ODA otišlo je na projekte i programe koji su usmjereni na rodnu ravnopravnost kao glavni cilj. Razlog studijske posjete je pobliže se informisati o dostupnosti sredstava Njemačke kroz podršku ženskim organizacijama ali i predstaviti aktivnosti koje regionalni partneri Kvinna till Kvinna fondacije provode u svojim zemljama.



Sedmica zagovaranja u Briselu

Predstavnica našeg udruženja je u Novembru 2022 učestvovala na konsultacijskim sastancima u Briselu. Sedmica je započela odgovarajućom obukom i pripremama, a konsultacijski sastanci uključivali su sastanke sa EEAS, zastupnicima/cama Europskog parlamenta, EK / DG NEAR i drugih koji imaju za cilj pridonijeti pravima žena i ravnopravnosti spolova u procesima pridruživanja EU. Kvinna till Kvinna već duži niz godina, implementira regionalni zagovarački program ka EU, koji uključuje sve zemlje Zapadnog Balkana. Cilj ovog programa obezbjediti ženskim organizacijama veću vidljivost u procesu EU integracija, snažnije učešće žena u svim relevantnim procesima, te osigurati poštovanje ženskih ljudskih prava. Ovo se svakako odnosi i na romske ženske organizacije, jer od prije dvije godine ovaj program uključuje i Romkinje.

Na ovogodišnjoj konsultacijskoj sedmici kroz učešće predstavnica ženskih romskih organizacija adresirani su problemi sa kojima se Romkinje suočavaju u različitim oblastima te su tom prilikom predložene preporuke za unaprjeđenje prava i položaja Romkinja.



Razvoj okvira za izradu prvog bh izvještaja o stanju prava i položaju Romkinja u Bosni i Hercegovini predviđena je kao aktivnost čiji krajnji rezultat je izrada „Prvog Izvještaja o stanju prava i položaju Romkinja u Bosni i Hercegovini“. Realizacijom ove aktivnosti tokom 2022 započelo se sa prikupljanje ključnih informacija i pokazatelja o stanju i položaju žena Romkinja u Bosni i Hercegovini. Finalizacija dokumenta se očekuje sredinom 2023. godine.

Institucionalna podrška udruženju žena romkinja “Bolja budućnost” grada Tuzla

Institucionalnom razvoju udruženja žena Romkinja „Bolja budućnost“ grada Tuzla kako bi postala jako uporište i zagovarala za Romkinje koje imaju poteškoća u ostvarivanju prava i povećanja vidljivosti ženskog romskog aktivističkog pokreta u BiH pomogla je podrška od strane OAK fondacije. Kroz jačanje organizacionih kapaciteta ali i provođenja aktivnosti unutar granta podrške usmjereni smo bili na promjenu da postanemo snažna organizacija i snažan pokret sa ciljem unaprjeđenja ženskih prava i ekonomskog osnaživanja sa posebnim fokusom na prava i osnaživanje Romkinja kao pripadnica najveće nacionalne manjine u Bosni i Hercegovini.

Ovo smo postigli kroz implementaciju sljedećih programa;

1. Program ljudskih prava sa fokusom na prava Romkinja

1.1. Upravljačka struktura udruženja i članstvo redovno informisani o aktivnostima i projektima udruženja, izvršena razmjena mišljenja o postojećim programskim ciljevima i njihovo usaglašavanje sa potrebama korisnika/ca.

- 1.2. Veća uključenost članstva u implementaciji aktivnosti udruženja i kreiranju projekata te razmjenu informacija.
- 1.3. Informisana šira društvena zajednica o kulturnom nasljeđu romske populacije na našim prostorima te doprinosimo povećanju tolerancije i smanjenju predrasuda prema Romima/kinjama i poštivanju njihovih ljudskih prava.

2. Socio-ekonomski program

- 2.1. Kroz ciljanu asistenciju na nivou zajednice ali i individualnom nivou Romkinje, žene i djevojke, su osnažene da ostvare svoja prava na obrazovanje, zdravlje, život bez nasilja i rodnu ravnopravnost.
- 2.2. Povećana zapošljivost Roma/kinja kroz zadругu, plasiranje usluga i roba na tržište te određeni stepen samoodrživosti ženske romske zadругe.

3. Zagovaranje i politička participacija

- 3.1. Povećan nivo umreženosti našeg udruženja na nacionalnom i regionalnom nivou sa istim ili srodnim organizacijama, udruženjima, fondacijama, institucijama.
- 3.2. Povećana zastupljenost pitanja Romkinja kroz prisustvo na regionalnim i nacionalnim događajima od značaja za žene i nacionalne manjine.

Za život bez nasilja

Projekat je imao za cilj preventivno djelovanje kada je u pitanju nasilje nad marginaliziranim grupama te u skladu sa tim kreirani su i očekivani rezultati sa jasno postavljenim indikatorima njihove uspješnosti a to su : a) pružatelji usluga imaju bolje razumijevanje o specifičnostima i potrebama romskih žena radi rješavanja stigme i predrasuda povezanih sa pružanjem usluga zaštite od rodno-zasnovanog nasilja ženama iz marginalizovanih grupa i b) povećana informisanost romskih žena o dostupnim mehanizmima zaštite od nasilja u romskim zajednicama na području grada Tuzle i kako im moći pristupiti.



Kroz projekat da bi postigli očekivane ciljeve na prihvatljiv način smo adresirali problematiku nasilja u romskim zajednicama koje je najčešće uzrokovano patrijarhalnim obrascima ponašanja i vrijednostima, toksičnim normama o maskulinitetu i koje služi kao način da se žene drže u podređenom položaju. Pri tome moramo istaći da smo tokom sesije sa institucijama u vremenu predviđenom za održavanje sesije razgovarali i izgradili kapacitete pružaoca usluga na način da smo adresirali i predrasude i stigmu prema Romkinjama kao prepreke u pristupu kvalitetnoj usluzi zaštite od nasilja. Aktivnosti su se implementirale u sklopu projekta: "Razvoj programa obuke za članove opštinskih komisija/odbora za ravnopravnost polova u BiH" (2021-2022) koje implementira Udruženje građana Nešto Više i Amica Educa u saradnji sa Gender Centar Vlade Federacije Bosne i Hercegovine i Gender centar Vlade RS. Projekat je podržan od strane Evropske unije

Podrška ženskoj romskoj mreži „Uspjeh“ u zagovaranju za prava manjina u procesu EU integracija

Projekat „Podrška Ženskoj romskoj mreži "Uspjeh" u zagovaranju za prava manjina u procesu EU integracija" je podržan je od Reactor - Research in Action i njihovih partnera kroz Akciju „Unaprjeđenje rodne ravnopravnosti kroz proces pristupanja EU“. Ovu akciju finansira Evropska unija i sufinansira Švedska agencija za međunarodni razvoj i saradnju.

Kroz ovaj projekat smo održali 3 javne debate u Tuzli, Sarajevu i Kaknju na temu ženskih ljudskih prava i iz oblasti prevencije trgovine ljudima. Održani su zagovarački sastanci sa relevantnim institucijama na entitetskom i državnom nivou sa ciljem povećanja zastupljenosti Romkinja u tijelima/savjetima/vijećima od značaja za nacionalne manjine.

Kroz projekat smo radili na jačanju kapaciteta članica ženske romske mreže „Uspjeh“ u BiH kroz 3 radionice što im je omogućilo da steknu nova znanja u oblasti zagovaranja prema institucijama u BiH ali i na nivou EU. Programsko osoblje je imalo prilike ojačati svoje kapacitete kroz radionice na temu principa rodne ravnopravnosti u proces pristupanja EU.



Saradnja sa vladinim sektorom za efikasan odgovor za smanjenje prosjačenja

Projekat „Saradnja sa vladinim sektorom kao efikasan odgovor na smanjenje prosjačenja“ je implementiran uz podršku Federalnog ministarstva obrazovanja i nauke. Kroz ovaj projekat su provedene sljedeće aktivnosti:

- Održane su 2 radionice sa stanovnicama iz romskih zajednica gdje su predstavnici lokalnih institucija Centra za socijalni rad Tuzla i Ministarstva unutrašnjih poslova Tuzlanskog kantona stanovnicima zajednice prezentovali na koji način mogu ostvariti prava putem Centra kako bi obezbjedili bar osnovna primanja te kako je prosjačenje kažnjivo zakonom. Predstavnica Udruženja žena Romkinja “Bolja budućnost” je govorila o važnosti obrazovanja za djecu te nemogućnosti ostvarivanja drugih prava u slučaju pronalaska djece na ulici bez pratnje roditelja. Na radionicama bi bilo max po 15 Roma/kinja i drugih stanovnika zajednice.
- Sa 30 Roma/kinja njih 30 odraslih i djece (20 Romkinja i 10 Roma) sa područja Grada Tuzla na terenu je govorila medijatorica I u zajednici podjelila promotivni materijal sa informacijama o trgovini ljudima te na koji način spriječiti da se postane žrtva trgovine ljudima. Isprintano je I podjeljeno 200 letaka što znaci da smo indirektnim putem obuhvatili više od 200 korisnika u romskim zajednicama.






Karta za obrazovanje

Mjesečna autobuska karta iz najveće romske zajednice, Kiseljaka do Tuzle, košta 116 KM. Većina romskih porodica je višečlana, istovremeno školuju nekoliko učenika i bez stalnog su zaposlenja, tako da je kupovina mjesečne karte za prevoz većini porodica nedostižna, naročito ako uzmemo u obzir trajanje školske godine

Realizacijom projekta kroz kampanju prikupljanja sredstava "Karta za obrazovanje" u saradnji sa Fondacijom tuzlanske zajednice omogućili djeci romske nacionalnosti nastavak i završetak srednjoškolskog obrazovanja, kupovinom autobuskih karti za prevoz do škole. Projektom je obuhvaćeno 11 učenika, a karte su im omogućile redovno školovanje u školskoj 2022/2023. godini. Za realizaciju ideje bilo je potrebno ukupno 6.500,00 KM. Fondacija tuzlanske zajednice je od inostranih donatora obezbijedila inicijalnih 2.400,00 KM. Kampanjom „Karta za obrazovanje“ na online platformi www.doniraj.ba smo prikupili preostali iznos od 4.100,00 KM.



Materijalno zbrinjavanje lica romske nacionalnosti u stanju socijalne potrebe

Uz podršku Ministarstva za rad, socijalnu politiku i povratak Tuzlanskog kantona smo implementirali projekat humanitarnog karaktera koji je imao za cilj prevencija siromaštva i podrška materijalno neobezbjeđenim romskim pojedincima i porodicama.

Kroz ovaj projekat smo izvršili podjelu paketa hrane i higijenskih potrepština putem vaučera za 30 romskih porodica.

Povećana vidljivost ženskog romskog aktivističkog pokreta

Projekat pod nazivom „Povećana vidljivost ženskog romskog aktivističkog pokreta“ je implementiran uz podršku Fonda otvoreno društvo BiH u partnerstvu sa ženskom romskom mrežom „Uspjeh“ u BiH. Udruženje žena Romkinja „Bolja budućnost“ grada Tuzla kao vodeća organizacija ženske romske mreže „Uspjeh“ organizovalo je studijsku posjetu Memorijalu i Muzeju u Auschwitz-Birkenau koji se nalazi na mjestu koncentracijskog logora Auschwitz u Oświęcimiu u Poljskoj. Cilj organizovanja posjete je bio obilježavanje i odavanje počasti stradalim Romima/kinjama u drugom svjetskom ratu poznatijem pod terminom Porajmos (uništenje) kojim Romi/kinje označavaju genocid nad svojim narodom.

Svake godine na 02. August koji se obilježava kao Međunarodni dan sjećanja na stradanje Roma/kinja u drugom svjetskom ratu naše udruženje i ženska romska mreža „Uspjeh“ su organizovali odavanje počasti i posjetu Spomen području Donja Gradina te kroz ove posjete informisali i radili na razvijanju svijesti omladine kako romske tako i ne romske o užasima rata sa ciljem da se očuva sjećanje ali i kao svojevrsno upozorenje da se nikada niti jednom narodu više ne desi da samo zbog drugačije boje kože, jezika, etničke pripadnosti bude surovo ubijen.



Uzimajući u obzir činjenicu da je romska zajednica u Bosni i Hercegovini pod stalnim pritiskom i nepovoljnim položajem zbog predrasuda i stereotipa koje su prema mišljenju ženskih romskih organizacija uzrokovane neznanjem o istoriji i kulturi Roma/kinja kako onoj lijepoj tako i užasima rata koji su kao i ostali bili izloženi. Kako bi nastavili sa praksom edukacije, informisanja, odavanja počasti svim stradalim uz slanje poruka mira i upozorenja ove godine smo u periodu od 29.07. do 04.08.2022 sa članicama ženske romske mreže posjetili i više naučili i saznali o stradanjima Roma/kinja u Auschwitz-Birkenau .

U saradnji sa ženskom romskom mrežom "Uspjeh" 07.11.2022 je Domu mladih Tuzla obilježen Svjetski dan romskog jezika. Učesnici/e ovog događaja imali su priliku čuti kroz izlaganja panelista o značaju očuvanja romskog jezika i procesu uvođenja romskog jezika sa elementima romske kulture u nastavni proces u škole na TK. Panelisti su pored direktorice UŽR „Bolja budućnost“ bili predstavnik Ministarstva obrazovanja i nauke Tuzlanskog kantona, OSCE misija u BiH , istaknuti romski književnik Šemso Avdić. Dio programa je bio na romskom jeziku. Sam događaj je otvoren izvođenem romske himne „Đelem, Đelem“ od strane učenika/ca srednje muzičke škole u Tuzli. Podršku našem udruženju i ženskoj romskoj mreži "Uspjeh" pružila je i ambasadorica Kraljevine Španije u BiH N.J.E. Marija Teresa Lizaranzom Perinat koja se odazvala našem pozivu i prisustvovala obilježavanju Svjetskog dana romskog jezika.



Prava žena na zdravstvenu zaštitu i prevenciju

Uz podršku Fondacije za osnaživanje žena BiH kroz projekat koji je imao za cilj promovisanje mehanizama ostvarivanja prava na zdravstvenu zaštitu i organizovanje besplatnih ginekoloških pregleda i pregleda dojki u cilju očuvanja reproduktivnog zdravlja žena sa fokusom na Romkinje.



Tokom trajanja projekta implementirane su sljedeće aktivnosti:

- Održane su 3 radionice – ukupno 26 korisnica iz romskih zajednica povećalo znanja o značaju preventivnih pregleda kao i vršenju istih redovno. Također korisnice dobile mogućnost da pitaju doktore što je uticalo na njihovo samopouzdanje jer često ljekari nemaju vremena da se posvete svima podjednako što je dodatni rezultat ovih aktivnosti;
- 2 ljekara specijalista podjelilo svoja znanja sa korisnicima te približilo shvatanje pregleda ne kao straha nego kao način brige o zdravlju I porodici, te promjenu pristupa korisnica prema ljekarima;
- Realizovani pregledi (ginekološki i pregled dojke UZ i mamografija) za 16 korisnica.

